



2.00yp Dydd Iau 14 Medi 2017
Ystafell Fwrdd, Campws y Graig, Coleg Sir Gâr, Llanelli

COFNODION

Yn bresennol

Enw	Sefydliad
Barry Liles (Cadeirydd)	Coleg Sir Gâr
Cyng. Cefin Campbell	Cyngor Sir Caerfyrddin
Uwch-Arolygydd Gary Mills	Heddlu Dyfed Powys
Anna Bird	Bwrdd Iechyd Prifysgol Hywel Dda
Jane Davidson	Prifysgol Cymru Y Drindod Dewi Sant
Rob Quin	Gwasanaeth Tân ac Achub Canolbarth a Gorllewin Cymru
Ros Jervis	Iechyd Cyhoeddus Cymru
Carys Wynne Morgan	Cyngor Celfyddydau Cymru
Marie Mitchell	Cymdeithas Gwasanaethau Gwirfoddol Sir Gâr
Huwel Manley	Cyfoeth Naturiol Cymru
Jonathan Feild	Adran Gwaith a Phensiynau

Hefyd yn bresennol

Enw	Sefydliad
Gwyneth Ayers	Cyngor Sir Caerfyrddin
Jonathan Hancock	Cyngor Sir Caerfyrddin
Amy Hawkins	Cyngor Sir Caerfyrddin
Polly Sills-Jones	Cydlynnydd Cynllun Llesiant Rhanbarthol

1. Croeso ac Ymddiheuriadau

Ymddiheuriadau

Enw	Sefydliad
Mark James	Cyngor Sir Caerfyrddin
Cyng. Emllyn Dole	Cyngor Sir Caerfyrddin
Wendy Walters	Cyngor Sir Caerfyrddin
DCC Leanne James	Heddlu Dyfed Powys
John Cook	Awdurdod Parc Cenedlaethol Bannau Brycheiniog
Steve Moore	Bwrdd Iechyd Prifysgol Hywel Dda
Bernardine Rees	Bwrdd Iechyd Prifysgol Hywel Dda
Sarah Jennings	Bwrdd Iechyd Prifysgol Hywel Dda
Athro Jean White	Llywodraeth Cymru

- Croesawodd Barry Liles bawb i'r cyfarfod a chyflwynwyd pawb o gwmpas y bwrdd. Estynnwyd croeso cynnes i'r Cyng. Cefin Campbell a oedd yn cyfarfod ar ran y Cyng. Emlyn Dole.
- Mynegwyd cydymdeimlad yn sgil marwolaeth drist y Cyng. Janice Dudley, Gwasanaeth Tân ac Achub Canolbarth a Gorllewin Cymru, a fu'n aelod o Fwrdd Gwasanaethau Cyhoeddus Sir Gâr tan fis Mawrth 2017.

2. Cofnodion a Materion yn codi: 13 Gorffennaf 2017

- Cyflwynodd Anna Bird welliant i gofnodion Gorffennaf o dan eitem 6 ar yr agenda – Diweddariad Rhoi Plant yn Gyntaf. Dylai'r testun isod gymryd lle y paragraff gyntaf yn y cofnodion.
Cyflwynodd Anna Bird bapur ar ran Noeline Thomas, Cyngor Sir Gâr gan nodi fod yr Awdurdod Lleol, Bwrdd Iechyd, Iechyd Cyhoeddus ac Ysgol Penrhos wedi bod yn cydweithio er mwyn datblygu cais i fod yn ardal arloesi ar gyfer Rhoi Plant yn Gyntaf. Mae hwn yn fenter Llywodraeth Cymru ac mae'r ymagwedd Rhoi Plant yn Gyntaf (oedd yn cael ei adnabod fel Parthau Plant yn flaenorol) yn ymagwedd wedi ei seilio ar ardal i wneud gwahaniaeth i genedlaethau'r dyfodol.
- Gyda'r gwelliant hynny, derbyniwyd y cofnodion fel rhai cywir.
- Trafodwyd y camau gweithredu a rhoddwyd diweddariadau lle'r oedd yn briodol.

GWEITHREDU:	Gwyneth Ayers i drefnu cyflwyniad ar Fferm Wynt Coedwig Brechfa i gyfarfod o'r Bwrdd yn y dyfodol.
GWEITHREDU:	Pawb i ddarparu gwybodaeth i john-mark.frost@dwp.gsi.gov.uk am swyddi gwag y gallai staff yr Adran Gwaith a Phensiynau, y mae cau swyddfa Llanelli yn effeithio arnynt, wneud cais amdanynt.

3. Dyfodol Cymunedau yn Gyntaf

- Rhoddodd Amy Hawkins gyflwyniad ar Cymunedau yn Gyntaf, a oedd yn cynnwys crynodeb o'r rhaglen ers ei lansio yn 2001. Adolygwyd y rhaglen yn 2013 i ganolbwyntio ar gymunedau Ffyniannus, Iach, sy'n Dysgu gan dargedu ardal glwstwr, sy'n cynnwys rhannau o Lanelli, Rhydaman a Thrimsaran.
- Yn gynnar yn 2017 cyhoeddodd Ysgrifennydd y Cabinet ffordd newydd o weithredu i greu cymunedau cryf, gan ganolbwyntio ar Gyflogaeth, y Blynnyddoedd Cynnar a Grymuso. Fel rhan o'r drefn newydd, cyhoeddwyd Cronfa Etifeddiaeth i helpu i raddol ddileu Rhaglen Cymunedau yn Gyntaf a chadw'r agweddau mwyaf effeithiol ohoni o fis Ebrill 2018. Yn Sir Gâr, mae dyraniad o £109K ar gyfer 2018/19, sy'n cyfateb i 27% o gyllideb gyfredol Cymunedau yn Gyntaf.
- Y cynnig ar gyfer y Gronfa Etifeddiaeth yw rhoi'r tair rhaglen isod ar waith
 1. Rhaglen Ymgysylltu a Chyfranogi
 2. Rhaglen Sgiliau Oedolion
 3. Rhaglen i Annog Ffordd Bositif Fyw
- Mae'r cyfrifoldeb terfynol yn gorffwys gyda'r Awdurdod Lleol fel Corff Cyflawni Cymunedau yn Gyntaf ond mae gan y Bwrdd rôl newydd yn y rhaglen newydd i gyfrannu at benderfyniadau a dylanwadu arnynt.
- Gofynnwyd i'r Bwrdd ystyried y cynnig a rhoi cefnogaeth mewn egwyddor.

GWEITHREDU:	Gwyneth Ayers i ddarparu cysylltiadau â'r Bartneriaeth Dysgu a Sgiliau Ranbarthol i Ros Jervis.
GWEITHREDU:	Amy Hawkins i sicrhau bod y cais Cymunedau yn Gyntaf i'r Gronfa Etifeddiaeth yn cael ei lunio o amgylch gofynion Deddf Llesiant Cenedlaethau'r Dyfodol.
GWEITHREDU:	Barry Liles ac Amy Hawkins i sicrhau bod cysylltiad rhwng Coleg Sir Gâr a'r gweithredu ar y Rhaglen Sgiliau Oedolion.

GWEITHREDU:	Barry Liles a Gwyneth Ayers i wneud gwaith cwrpasu cychwynnol ar faterion yn ymwneud â rhannu gwybodaeth sy'n berthnasol i aelodau'r Bwrdd cyn eu codi gyda Chomisiynydd Cenedlaethau'r Dyfodol a'r Comisiynydd Gwybodaeth.
--------------------	---

4. Cynllun Llesiant Sir Gaerfyrddin – drafft cyntaf

- Cyflwynodd Gwyneth Ayers y cynllun drafft cyntaf i'r Bwrdd. Fe'i paratowyd ar ôl cysylltu â staff rheng flaen a staff gwasanaeth, rhanddeiliaid, cynghorwyr sir a chymuned ac aelodau o'r cyhoedd.
- Nodwyd bod gwaith pellach i gael ei wneud i ddatblygu'n fanwl sut rydyn ni'n mynd i gyflawni'r camau gweithredu. Gwneir gwaith rhwng mis Hydref a mis Rhagfyr 2017 a chynhelir gweithdai pellach gyda staff a rhanddeiliaid allweddol i ddatblygu cynlluniau cyflawni ar gyfer y camau gweithredu tymor byr, gan ddefnyddio'r pum ffordd o weithio fel sail i'r drafodaeth.
- Mae ymgynghoriad cyhoeddus 12 wythnos i fod i gael ei gynnal rhwng mis Hydref a mis Rhagfyr 2017.
- Cafwyd trafodaeth ar yr adborth a'r cyngor a gafwyd gan Gomisiynydd Cenedlaethau'r Dyfodol yn gynharach yr wythnos hon. Cytunwyd i ystyried a phwyso a mesur y cyngor a gwneud rhai newidiadau i'r Cynllun drafft cyn cychwyn yr ymgynghoriad.

GWEITHREDU:	Anna Bird, Gwyneth Ayers a Polly Sills-Jones i wneud rhywfaint o waith pellach ar y Cynllun Llesiant cyn ei ailgylchredeg i aelodau'r Bwrdd, dros yr e-bost, i'w gymeradwyo cyn yr ymgynghoriad cyhoeddus yn gynnar ym mis Hydref.
GWEITHREDU:	Gwyneth Ayers a Polly Sills-Jones i drefnu sesiynau ymgysylltu pellach yn ystod Hydref-Rhagfyr 2017 i ddatblygu 'sut' y mae cyflawni'r gweithredu a nodwyd.
GWEITHREDU:	Gwyneth Ayers a Polly Sills-Jones i ystyried tystiolaeth a gwybodaeth bellach gan Jane Davidson i weld a yw economi carbon isel yn cael ei hadlewyrchu'n ddigon cryf yn y Cynllun.

5. Cynnig Ymagwedd Rheoli Cymdogaeth

- Cyflwynodd yr Uwch-arolygydd Gary Mills y cynnig Ymagwedd Rheoli Cymdogaeth i'r Bwrdd. Roedd hyn yn dilyn o gyfarfod mis Gorffennaf 2107 y Bwrdd lle'r oedd y Comisiynydd Heddlu a Throseddau wedi cyhoeddi'i gefnogaeth i gynllun i fynd i'r afael â throseddau ac anhrefn o fewn ardaloedd daearyddol.
- Paratowyd datganiad sefyllfa yn adolygu'r data a'r wybodaeth ar droseddau. O'r wybodaeth a ddarparwyd bu modd nodi'r blaenoriaethau i'r heddlu ac o ran troseddau. Darparwyd adroddiad i'r aelodau yn amlinellu'r ffordd ymlaen sydd i'w chymryd, wedi'i seilio ar drafodaethau cychwynnol gyda phartneriaid. Bydd y Cynnig hwn yn canolbwyntio ar leihau troseddau ac ymddygiad gwrthgymdeithasol.
- Roedd y Bwrdd yn llwyr gefnogi'r drefn a awgrymwyd a chytunodd y câi gwaith pellach ei wneud i ddatblygu cynnig manwl i'w gyflwyno i 'Grant Cymorth Diogelwch Cymunedol' y Comisiynydd Heddlu a Throseddau.

GWEITHREDU:	Kate Thomas i sicrhau bod Steve Kelshaw, Coleg Sir Gâr yn cael ei gynnwys mewn trafodaethau pellach.
GWEITHREDU:	Y Prif Arolygydd Steve Thomas a Kate Thomas i ddatblygu'r cynnig ymhellach ar gyfer ei gyflwyno i'r Comisiynydd Heddlu a Throseddau.

6. Y Diweddaraaf ar y Grwpiau Thematig

- Darparodd Gwyneth Ayers ddiweddariadau gan y grwpiau thematig Cymunedau Teg a Diogel a Chymunedau Cadarn a Ffyniannus, a chyfeiriodd atynt.
- Cyfeiriwyd mater at y Bwrdd yn ymwneud â'r Grŵp Cymunedau Teg a Diogel. Roedd a wnelo â chyfraniadau partneriaid tuag at y costau o gynnal Adolygiadau o Ddylunadwy Domestig. Mae'n ofniad statudol i'r Cyngor, y Bwrdd Iechyd, yr Heddlu, y Gwasanaeth Prawf a'r

Gwasanaeth Tân ac Achub ond ar hyn o bryd dim ond y Cyngor sy'n cyfrannu arian. Cafwyd trafodaeth ar hyn a chytunwyd bod adroddiad cryno i gael ei lunio i alluogi'r partneriaid statudol i'w ystyried ymhellach.

GWEITHREDU:	Kate Thomas – Adolygiad o Ddynladdiad Domestig: paratoi adroddiad cryno ar y mater er mwyn i bob partner statudol ei godi'n fewnol i gael ei ystyried.
GWEITHREDU:	Yr Uwch-arolygydd Gary Mills i siarad â'r Comisiynydd Heddlu a Throseddau ynglŷn ag opsiynau posibl.

7. Y diweddaraaf ar Flaenraglen Waith y Bwrdd a Chyfathrebu

Trafododd Gwyneth Ayers y flaenraglen waith. Cafwyd trafodaeth ar yr eitemau canlynol a chytunwyd i symud ymlaen arnynt.

- Trais yn Erbyn Menywod, Cam-drin Domestig a Thrais Rhywiol
- Gwneud i Bob Cyswllt Gyfrif – cynnig prosiect
- Strategaeth Gyfathrebu ac Ymgysylltu'r Bwrdd
- Diweddariad Ffrydiau Gwaith
- Yr Adran Gwaith a Phensiynau – Credyd Cynhwysol
- Mapio'r trefniadau partneriaeth cyfredol
- Cyfoeth Naturiol Cymru – Cymunedau lle mae perygl llifogydd

GWEITHREDU:	Jonathan Feild a Gwyneth Ayers i drefnu cyflwyniad mewn cyfarfod o'r Bwrdd yn y dyfodol ar gyflwyno'r gwasanaeth Credyd Cynhwysol yn llawn o fis Mawrth 2018
GWEITHREDU:	Gwyneth Ayers i ymgymryd ag ymarferiad i fapio'r trefniadau partneriaeth presennol fel sail i weithredu'r Cynllun Llesiant yn y dyfodol.
GWEITHREDU:	Huwel Manley a Gwyneth Ayers i drefnu cyflwyniad mewn cyfarfod o'r Bwrdd yn y dyfodol ar gymunedau lle mae perygl llifogydd.

8. Unrhyw Fater Arall

Nid oedd unrhyw faterion eraill yn codi.

Cynhelir y cyfarfod nesaf ar 16 Tachwedd 2017.

Crynodeb o Gamau Gweithredu – Cyfarfod y Bwrdd Gwasanaethau Cyhoeddus:

	Crynodeb o Bwyntiau Gweithredu	Pwy	Diweddariad
	Pwyntiau o gyfarfod 14 Medi 2017		
1	I drefnu cyflwyniad ar Fferm Wynt Coedwig Brechfa i gyfarfod o'r Bwrdd yn y dyfodol.	Gwyneth Ayers	Wedi ei drefnu ar gyfer cyfarfod mis Mawrth 2018.
2	I ddarparu gwybodaeth i john-mark.frost@dpw.gsi.gov.uk am swyddi gwag y gallai staff yr Adran Gwaith a Phensiynau, y mae cau swyddfa Llanelli yn effeithio arnynt, wneud cais amdanynt.	Pawb	Diweddariad i'w gyflwyno yn ystod y cyfarfod.
3	I ddarparu cysylltiadau â'r Bartneriaeth Dysgu a Sgiliau Ranbarthol i Ros Jervis.	Gwyneth Ayers	Wedi ei gwblhau.
4	I sicrhau bod y cais Cymunedau yn Gyntaf i'r Gronfa Etifeddiaeth yn cael ei lunio o amgylch gofynion Deddf Llesiant Cenedlaethau'r Dyfodol.	Amy Hawkins	Ar waith.
5	I sicrhau bod cysylltiad rhwng Coleg Sir Gâr a'r gweithredu ar y Rhaglen Sgiliau Oedolion.	Barry Liles ac Amy Hawkins	Wedi ei gwblhau.
6	I wneud gwaith cwrpasu cychwynnol ar faterion yn ymwneud â rhannu gwybodaeth sy'n berthnasol i aelodau'r Bwrdd cyn eu codi gyda Chomisiynydd Cenedlaethau'r Dyfodol a'r Comisiynydd Gwybodaeth.	Barry Liles a Gwyneth Ayers	Gwaith pellach i'w gynnal a bydd yn cael ei ystyried ymhellach yng nghyfarfod y BGC ym mis Ionawr 2018.
7	I wneud rhywfaint o waith pellach ar y Cynllun Llesiant cyn ei ailgylchredeg i aelodau'r Bwrdd, dros yr e-bost, i'w gymeradwyo cyn yr ymgynghoriad cyhoeddus yn gynnar ym mis Hydref.	Anna Bird, Gwyneth Ayers a Polly Sills-Jones	Wedi ei gwblhau. Ymgynghoriad ar y cynllun drafft ar waith tan 3 Ionawr 2018.
8	I drefnu sesiynau ymgysylltu pellach yn ystod Hydref-Rhagfyr 2017 i ddatblygu 'sut' y mae cyflawni'r gweithredu a nodwyd.	Gwyneth Ayers a Polly Sills-Jones	Sesiwn wedi ei drefnu ar gyfer 7 Rhagfyr 2017. Bydd aelodau Grŵp Gweithredol y BGC yn mynychu.
9	I ystyried tystiolaeth a gwybodaeth bellach gan Jane Davidson i weld a yw economi carbon isel yn cael ei hadlewyrchu'n ddigon cryf yn y Cynllun.	Gwyneth Ayers a Polly Sills-Jones	Ystyrir y wybodaeth fel rhan o'r ymgynghoriad sydd ar waith.
10	I sicrhau bod Steve Kelshaw, Coleg Sir Gâr yn cael ei gynnwys mewn trafodaethau pellach.	Kate Thomas	Wedi ei gwblhau.
11	I ddatblygu'r cynnig ymhellach ar gyfer ei gyflwyno i'r Comisiynydd Heddlu a Throsedd.	Prif-Arolygydd Steve Thomas a Kate Thomas	Sesiwn datblygu i'w gynnal ar 10 Tachwedd 2017.

	Crynodeb o Bwyntiau Gweithredu	Pwy	Diweddariad
12	Adolygiad o Ddynladdiad Domestig: paratoi adroddiad cryno ar y mater er mwyn i bob partner statudol ei godi'n fewnol i gael ei ystyried.	Kate Thomas	Ar waith.
13	I siarad â'r Comisiynydd Heddlu a Throseddu ynglŷn ag opsiynau posibl.	Uwch-Arolygydd Gary Mills	Wedi derbyn cadarnhad na fydd arian ar gael trwy'r Comisiynydd.
14	I drefnu cyflwyniad mewn cyfarfod o'r Bwrdd yn y dyfodol ar gyflwyno'r gwasanaeth Credyd Cynhwysol yn llawn o fis Mawrth 2018	Jonathan Feild a Gwyneth Ayers	Ar yr agenda ar gyfer 16 Tachwedd 2017.
15	I ymgymryd ag ymarferiad i fapio'r trefniadau partneriaeth presennol fel sail i weithredu'r Cynllun Llesiant yn y dyfodol.	Gwyneth Ayers	Ar waith.
16	I drefnu cyflwyniad mewn cyfarfod o'r Bwrdd yn y dyfodol ar gymunedau lle mae perygl llifogydd.	Huwel Manley a Gwyneth Ayers	Dyddiad i'w gadarnhau.